



5 ETAP FASIL POU
**REDWI KANTITE
PLASTIK
AK FÈ BIZNIS OU
MACHE BYEN**

GID POU RESTORAN AK REFECTWA



Product Stewardship Institute, Inc. (PSI) pare Gid sa a avèk finansman ki soti nan U.S. Environmental Protection Agency (EPA) Rejyon 2. Yo te modifye li an 2020 avèk finansman ki te soti nan New York Sea Grant.





Èske li posib pou sèvi avèk li? Nou sèvi avèk akseswa pou manje pandan kèk minit sèlman.

Sa ki nan Gid la

Entwodiksyon: Pou Kisa pou Redwi Plastik?	3
Etap 1 Evalye kantite anprent plastik ou kite	4
Etap 2 Kreye yon plan pou rediksyon	5
Etap 3 Fè sa tounen Règleman ou	10
Etap 4 Ede kliyan ou yo konprann	13
Rezilta Restoran Jwenn Tout Bon	18
Etap 5 Reyalize dènye efò a	22
Eliminen Dechè ansanm ak COVID-19	24
Resous Sipleman tè	26

Rekonesans

Product Stewardship Institute (PSI) pare bwat zouti sa a an 2018 avèk sipò U.S. Environmental Protection Agency (EPA) Rejyon 2, ak New England Interstate Water Pollution Control Commission (NEIWPCC), kòm yon pati nan kondisyon pwojè nou an dapre Sibvansyon I96275701. Yo te modifiye li an 2020 avèk finansman ki te soti nan New York Sea Grant.

Mèsi

PSI vle voye mèsi pou pwopriyete ak anplwaye Bruce & Son, Little Creek Oysters, Lucharitos, ak Tikal.1, ansanm ak plizyè moun nan Vilaj Greenport ak nan Vil Southold, nan New York, ki bay tan, travay, ak konnesans yo pou sipòte pwojè sa a. Nan Buffalo ak Williamsville, New York, nou voye mèsi pou pwopriyete Pizza Plant Italian Pub, Glen Park Tavern, Parkside Meadow, Ashker's, ak Dapper Goose, ki te dakò pou redwi anprent plastik yo, ak pou bay kèk lide enpòtan pou amelyore bwat zouti sa a. Mèsi pou Theodore Greene ki te pote konnesans teknik li nan preparasyon pwogram Plastic Footprint Tool (Zouti pou Anprent Plastik) ak Foodware Cost Calculator (Kalkilatè Pri pou Akseswa Restoran). Nou voye mèsi tou pou Massachusetts Chapter of the Sierra Club ki bay pèmasyon mete modèl òdonans li a pou siprime akseswa restoran an Polystyrene, PVC, ak PETE nan egzanz règleman yo, epi nou voye mèsi pou Depatman Itilite Piblik Seattle pou kontribisyon li nan gid sa a. Yon mèsi espesyal pou Gary Carrel nan Erie County, Susan Attridge nan Vil Buffalo, ak Dawn Timm nan Niagara County; moun sa yo te sèvi kòm manm nan yon komite konseye pou konplete bwat zouti sa a, epi yo te bay tan ak konnesans yo pou garanti pwojè a te rive byen mache. Finalman, n ap voye mèsi pou òganizasyon sa yo pou kontribisyon yo: North Fork Environmental Council, Peconic Estuary Program, ak Peconic Estuary Protection Committee, Citizens' Campaign for the Environment, ak Buffalo Bring Your Own Bag Coalition.

Product Stewardship Institute (PSI)

[PSI](#) se yon òganizasyon nasyonnal ki pa travay pou benefis; wòl li, se redwi enpak sou sante, sekirite, ak anviwonman ki soti nan pwodwi moun achte, avèk yon gwo priyorite sou kontwòl fen lavi ki dirab. Avèk katye jeneral nou nan Boston, Ma, nou pran yon apwòch espesyal nan rezoud pwoblèm kontwòl dechè, paske nou fasilite dialòg ant responsab yo ak ankouraje responsablite pwodikte yo. Nou konsevwa, aplike, evalye, ranfòse, ak ankouraje inisyativ volontè pou kontwòle pwodwi yo nan tout Amerik Dinò.

Kontak pou Pwojè a

Pou plis enfòmasyon, tanpri kontakte info@productstewardship.us.

Moun andikape ki bezwen dokiman sa yo nan yon lòt fòm, oswa aranjman espesyal, mèt kontakte Amanda Nicholson nan adrès amanda@productstewardship.us oswa nan nimewo telefòn (617) 236-4833.

Premye finansman pou pwojè sa a te soti nan yon akò (I96275701) Environmental Protection Agency (EPA) te fè avèk New England Interstate Water Pollution Control Commission (NEIWPCC). Menm si yon moso oubyen tout enfòmasyon nan dokiman sa a te soti nan United States Environmental Protection Agency dapre akò I96275701 to NEIWPCC, dokiman an pa pase nan pwosedi revizyon Ajans sa a, kidonk li kapab pa montre opinyon Ajans lan, epi moun pa dwe konprann li gen okenn apwobasyon ofisyèl. Opinyon ki parèt isit la pa nesèman reprezante opinyon NEIWPCC or U.S. EPA, epi lè gen non biznis, ak pwodwi komèsyal ki parèt, sa pa reprezante yon apwobasyon ni yon rekòmandasyon kote sa yo.

Dokiman sa a resevwa sipò volontè New York Sea Grant, ak finansman Environmental Protection Fund dapre kondisyon ki nan New York Ocean and Great Lakes Ecosystem Conservation Act. Nenpòt opinyon, remake, konklizyon, oswa rekòmandasyon ki parèt nan piblikasyon sa a, se moun ki ekri li a (yo) ki responsab pou yo, epi yo pa reprezante nesèman opinyon Stony Brook University of New York Sea Grant.

Product Stewardship Institute Inc. se yon anplwaye ak founisè ki kwè nan chans egal pou tout moun.

Menm si nou sèvi avèk li pandan yon to moman plastik toujou retounen sou nou.



Pa voye lajan jete nan fatra!

- Redwi depans pou anbalaj
- Fè manje vin gen plis plezi
- Anpeche vye pil fatra lèd monte toupre biznis ou
- Bese depans pou ranmase fatra
- Fè pou anplwaye pa pèdi tan yo
- Fè komès ou rapòte plis
- Antre nan mache vèt la, epi devlope lwayote kliyantèl ou
- Pran devan règleman ofisyèl yo
- Tounen yon modèl nan kominote w
- Anpeche manje yo kontamine

Malgre pi bon entansyon nou yo, gen nan anbalaj nou bay kliyan yo ki pral tounen fatra. 80% nan debri sa yo se plastik.

Kit restoran ou toupre plaj la, kit li nan yon distans plizyè mil avèk litoral la, van ak lapli ap toujou pouse gode, boutèy, sache, chalimo, istansil, ak lòt kalite anbalaj nan lanmè, rivyè ak lak yo, kote bagay sa yo pa bon pou bèt yo, epi y ap polye dlo a.

Plastik absòbe bagay ki lakòz polisyon (tankou pestisid ak metal ki lou). Li pote patojèn ak ti espès bèt ki anvayi kay moun. Apre yon tan, li tounen ti moso ki kontamiine atè a ak dlo. Epi tou, bèt ki viv nan dlo kwè li se manje. Li akimile nan chenn alimantasyon an, kidonk plastik la (ansanm ak polyan toksik) rive nan kò moun ki manje bèt lanmè.

Si ou redwi plastik ou bay kliyan ou yo, ou pral redwi kontaminan, ak pwoteje kalite manje w, ak pwoteje teren ak forè ki sipòte touris - an menm tan w ap ekonomize lajan ak ede biznis ou devlope.

Etap 1 : Evalue anprent plastik ou



Etap 1

Evalye anprent plastik ou

Si ou konnen anprent plastik ou, sa pral ede ou rekonnèt:

- Avèk ki kantite plastik dispozab ou sèvi
- Pou konbyen ou achte - ak konbyen sa koute w
- Ki pwodwi ou dwe vize

Pou kòmanse, ale nan Zouti pou Anprent Plastik (Plastic Footprint Tool) ki anliy la:

Kalkile anprent plastik ou

tiny.cc/MyPlasticFootprint

Plastic Footprint

Share the Plastic Footprint Tool:

Share Tweet

PRODUCT STEWARDSHIP INSTITUTE

NEIWPCC
New England Interstate Water Pollution Control Commission

Step 1 - Assess Your Plastic Footprint

This Plastic Footprint Tool will help you identify:

- What types of disposable plastic you use,
- How much you buy – and how much it costs you, and
- Which products to target.

In Step 2 – Create a Plastic Reduction Plan, you will use this information to figure out which plastics to eliminate, reduce, or replace.

Didn't get here from 3 Steps to Reduce Plastic & Benefit Your Business: A Guide for Restaurants & Eateries? Download the guide to start your plastic reduction journey!

1. Name of business:

2. Type of service:
 Dine-in only
 Take-out only
 Dine-in and take-out

3. Email address (so we can send your finished Plastic Footprint to you!)*

Let's get started!

Next

Evalye Anprent Plastik ou nenpòt kote ou ye, sou nenpòt aparèy.

An Premye, chwazi ki kalite plastik dispozab w ap sèvi kounye a.

Aprè sa, ekri konbyen kès ou achte chak mwa, ak konbyen atik ki nan chak kès, ak konbyen chak kès koute.

Se tout! Zouti pou Anprent Plastik nou an ap kalkile otomatikman total anprent plastik ou, epi l ap voye rezilta a ba ou nan kourye elektwonnik.

Bon travey. Ou pral resevwa enfòmasyon sou Anprent ou yo nan kèk minit. **Mesaj sa a soti nan noreply@surveygizmo.com.** Si ou pa wè li, gade nan repètwa spam/junk ou.

Etap 2: Fè yon plan



Kreye yon Plan pou Rediksyon Plastik

Tabli Objektif ou

Dapre Anprent Plastik ou, kisa ki 2 oubyen 3 premye atik ou sèvi? Mete an priyorite atik kliyan yo pran nan restoran an pou pote ale, paske se yo ki gen pi gwo chans pou yo tounen dechè. Oubyen chwazi nenpòt kisa ou vle pou kòmanse! Ou ka toujou fè plis pi ta.

Reflechi sou konsekans rediksyon plastik la pral pote nan biznis ou an jeneral.

- Ki aksyon ou te deja pran, ki te rive redwi atik dispozab oubyen ogmante resiklaj?
- Èske biznis ou genyen yon plan pou dirabilite oswa rediksyon dechè?
- Mande anplwaye ou yo kisa yo wè kòm pwoblèm gaspiyaj.
- Èske vil, oswa konte, oswa Eta kote ou ye a gen règleman sou plastik dispozab (tankou yon entèdiksyon oswa yon amann kont plastik)?

Plan an

Gen kat estrateji fondamantal pou redwi plastik (ak lòt dispozab tou):

1. **Eliminen** anbalaj ki pa nesèsè, ak atik ki sèvi yon sèl fwa.
2. **Redwi** kantite ou bay la.
3. **Ranplase** atik dispozab avèk atik ki dirab ak retilizab.
4. **Chanje** pou ou kòmanse sèvi avèk atik ki resiklab oubyen ki fèt avèk materyo ki pa pral pèsiste nan anviwonman an.



Si ou sispann sèvi avèk plastik, anpil moun gade kòm yon matyè "enferyè" ak atifisyèl, sa kapab amelyore prezantasyon manje ou sèvi ak fè moun renmen yo plis.

Anpil estrateji pou redwi plastik gratis, yo pèmèt fè ekonnomi, oubyen yo pa fè depans yo monte. Gen lòt chanjman ki ka mande ou fè yon depans pou kòmanse, men yo *ka fè ou ekonnomize* apre sèlman kèk semen oubyen kèk mwa. Yon fwa plan ou nan plas li, retounen gade previzyon pou lontan oswa pou yon tan kout ou yo, pou evalye chanjman yo ak pou fè adaptasyon ou bezwen. Si ou deside achte akseswa restoran ki retilizab, oubyen chanje pou ou sèvi avèk yon nouvo atik dispozab, reflechi sou kouman nouvo pwodwi yo pral adapte avèk anbyans ou oswa lòt mak akseswa ou yo.

Sèvi avèk nouvo Kalkilatè Depans pou Sèvis Manje nou an, pou prevwa ekonnomi ou pral fè nan depans ou, ak kantite rediksyon plastik ou pral reyalize.

Kalkile depans ak ekonnomi ou

tiny.cc/FoodwareCalculator

Egzanp ak konsèy



Etap 2 – Eliminen ak Redwi Atik Dispozab

Pou chak atik ou te idantifye nan seksyon "Tabli Objektif ou" a, chwazi opsyon ki nan lis nan paj apre sa yo. **Lis la kòmanse avèk pi efikas yo, pou desann nan mwens efikas yo.** Pifò plan pou rediksyon plastik yo pral genyen yon varyete estrateji, ki pral chanje avèk chak pwodwi.

1 - Eliminen.

Metòd anbalaj ki koute mwens depans, epi ki pi dirab la se pa anbalaj!



Pito pase



2 - Redwi.

1. Sèvi atik la sèlman si yo (kidonk kliyan an) mande li.
2. Pase pou ou bay atik la otomatikman, mande kliyan an si li bezwen li.
3. Sèvi sèlman avèk sa ki nesèsè, lè sa nesèsè, pou kantite moun ki bezwen li; pa egzanp, pa janm double sache, mande konbyen moun ki nan yon gwoup anvan ou ba yo ajantri; bay sèlman kalite ajantri ki nesèsè dapre sa yo kòmande a (sèlman yon kiyè pou soup, ak yon fouchèt pou salad); bay kouvèti sèlman pou timoun.
4. Mete distribitè otomatik ki bay yon atik alafwa, pase pou ou mete distribitè ki rete ouvri. Yo ankouraje kliyan yo pran sèlman sa yo bezwen, pase pou yo foure men yo pou pran yon kantite nan atik la.
5. Mete sou distribitè yo, oubyen sou kote yo, yon nòt ki fè kliyan yo sonje pran sèlman sa yo bezwen, epi pou yo montre konsiderasyon pou anviwonman an (gade kèk egzanpp nan page 14).



VS.



+



Etap 2 – Ranplase Atik Dispozab yo avèk



3 - Ranplase.

1. Ranplase atik dispozab yo avèk menm atik yo an vè, seramik, asye inoksidab, bwa, oswa plastik dirab.
2. Bay atik dispozab sèlman pou kòmman y ap pote ale. Sèvi avèk kouvè retilizab pou tout kliyan k ap chita manje nan restoran an.
3. Ankouraje kliyan yo pote pwòp atik retilizab yo:
 - Ofri pwomosyon, tankou diskont, fribi, oubyen plen resipyan nenpòt gwosè pou yon pri fiks. Montre kreyativite w!
 - Fè peye 5 - 25 santim pou plastik dispozab. **Fè peye bay plis rezilta pase pwomosyon, pou chanje konpòtman kliyan.** *Opsyon sa a ka akseptab si restoran nan zòn ou ye a deja ap fè peye pou pwodwi tankou sache an plastik oswa an papyè.*
 - Fè yo konnen ou kapab replen boutèy dlo yo pou yo, oubyen aksepte pou yo sèvi avèk pwòp resipyan yo pou pote manje ale.
4. Vann pwodwi ki gen non restoran ou tankou sache, gode, ak resipyan pou pote ale, oubyen tabli yon ti sistèm depo oswa bay diskont pou kliyan ki pote yo tounen. Sa pral amelyore rekonesans pou non restoran ou, ak ede w kenbe kliyantèl ou, epi sa kapab menm vin yon nouvo mwayen pou ou fè plis lajan!
5. Ranplase resipyan pou kondiman yo avèk distribitè an gwo, tankou tèmos pou lèt, oswa boutèy pou sòs tomat.



Kliyan yo ka transfere manje soti nan yon asyèt pou mete nan pwòp resipyan yo pote (men PA nan yon kote ki gen manje pou tout moun yo pran li, tankou yon bifè). Men si **ou** mete manje nan resipyan kliyan yo, ou dwe dezenfekte resipyan an oswa montre anplwaye ou yo kouman pou yo anpeche kontaminasyon. Pa janm kite istansil kwizin ou yo fè kontak avèk resipyan klyan an. Si gen yon aksidan ki rive, dezenfekte aktik ki ekspozè yo touswit. Kontakte depatman sante ou, si ou gen kesyon

Lòt konsèy pou retilizasyon:

Achte pwodwi nan resipyan founisè a kapab pran pou li sèvi avèk yo ankò. Di founisè a ou pa vle twòp anbalaj.

Resèvi avèk atik dispozab yo nan aktivite biznis la; pa egzanp, fè ansyen boutèy an vè yo sèvi pou mete landan chalimo, kondiman, oswa flè.

Chèche pwogram retilizab pou pote gode ak resipyan ale, elatriye... [Vessel](#), [OZZI](#), oswa [Go Box](#). Gade nan paj 25 pou wè plis!

Etap 2 – Chanje pou Sèvi avèk Pwodwi Dispozab ki gen Mwens Danje

4 - Chanje.

1. Chwazi pwodwi vejetal pase plastik konpostab, paske yo dekonpoze pi byen anpil nan konpost ak nan anviwonman an:

- Bagas (fib ki soti nan kann)
- Pay ble
- Zèb ajante (miscantis)
- Fèy palmye
- Banbou
- Bwa
- Papye (san vèni)

Swivan zòn kote ou ye a, pwodwi sa yo kapab koute sèlman yon ti valè an plis plastik. Yo menm kapab pa mennen plis depans oubyen pèmèt ou fè ekonomi, *si an menm tan ou redwi kantite ou sèvi a (gade nan paj 5 pou kalkil depans yo).*

Veye byen pou pwodwi a 100% vejetal. Evite pwodwi (tankou mayi, kasav, ak lòt fekilan vejetal) ki melanje avèk ranplisan an plastik.

2. Si ou pa ka jwenn pwodwi vejetal ni konpostab, chwazi pwodwi ki resiklab nan zòn kote ou ye a. **Mande konpayi ki trete pwodwi resiklab la ki pwodwi li aksepte. Pifò resiklè yo pa kapab trete ajantri, ni chalimo, ni melanjè an plastik poutèt gwosè yo, epi pifò pa pral aksepte atik ki gen dechè manje ladan yo.**

Plastik Konpostab: Reflechi 2 fwa anvan ou achte

Ofri plastik konpostab sèlman si biznis ou ak zòn kote ou ye a ranmase konpost, EPI kote yo konposte a aksepte pwodwi ou chwazi yo!

Plastik konpostab yo gen tandans pou yo vann chè. Pa kite sa twonpe w! **Yo pa dezentege nan anviwonman an pi byen pase plastik òdinè.** Yo fèt sèlman pou yo kase nan kèk kondisyon konpost endistriyèl espesifik, kidonk se pa tout ekipman endistriyèl ki ka trete yo.

Plastik konpostab yo kapab konfonn kliyan ou yo tou. Yo pa resiklab, men yo sanble lòt pwodwi ki resiklab. Lè ou mete li nan yon resipyan pou jete resiklab, plastik konpostab la kapab gate tout yon pil resiklab, paske li fèt pou li kraze apre yon tan.

Si ou vle sèvi avèk plastik konpostab, sèvi sèlman [avèk pwodwi ki gen sètifikasyon Biodegradable Products Institute \(BPI\).](#)

Pa tonbe nan erè anpil kote fè:

Pran prekosyon avèk pwodwi ki make "biodegradab," "oxo- degradab," "degradab," "dekonpozab," oubyen ki fè deklarasyon komèsyal vag ki pa gen sètifikasyon yon lòt kote. Yo PA konpostab.

Menm si yon pwodwi "bioplastik" (sentetize apati matyè natirèl tankou mayi oswa kann), sa pa vle di li konpostab. **Anvan ou achte, verifye BPI.**



Etap 2 – Konsiderasyon Sipleman tè



Little Creek Oysters (Greenport, NY) sèvi avèk pwodwi ki gen mak. Gade nan paj 21 pou wè istwa li.

Gen anpil sèvis ki ofri enpresyon pèsonnalize pou pwodwi retilizab, resiklab, ak konpostab. Pri yo varye dapre kantite ak tarif ki negosye nan kontra a.

Sèvi sèlman avèk chalimo ak ajantri ki pa nan anvlòp, pou redwi kantite plastik la, ak fè ekonmi, ak evite pèdi tan nan ranmase anbalaj ki konn tonbe atè yo. Kenbe pwodwi ki pa vlope yo nan yon distribitè oubyen dèyè kontwa a, pou sàntasyon. Si ou vle ofri yon opsyon ki vlope, sèvi li sèlman lè yon kliyan mande.

Gen anpil biznis ki eliminen chalimo an plastik. Gen kliyan ki ka bezwen chalimo poutèt rezon medikal. Sèvi chalimo ki retilizab oswa an papye lè yon kliyan mande. Anjenneral, chalimo retilizab yo genyen yon lans lavaj, sa ki pèmèt netwaye yo pi fasil.

Chèche pwodwi (espesyalman papye) ki pa kouvri avèk yon kouch, oswa ki gen yon kouch lasi oubyen ajil pase plastik, epi ki pa blanchi..

Chèche jwenn pwodwi an papye ak an bwa ki gen sètifikasyon dirabilite [Forest Stewardship Council](#).

Chwazi pwodwi ki gen kontni resiklab, pou sipòte resiklaj.

Evite pwodwi ki fèt avèk polistirèn (ki se yon kalite plastik yo konn rele "estiwofòm", men ki kapab parèt klè ak rijid - gade si ou wè senbòl resiklaj #6 la). Estirèn se yon newotoksin ki kapab konn bay kansè. Li antre nan manje ak nan bweson lè li kontre avèk chalè, alkòl, grès, oubyen lwil.

San BPA? Pran prekosyon. Nou konnen aditif plastik ki rele bisfennòl-A (BPA) a konn antre nan manje ak nan bweson. Yo konnekte li avèk yon seri pwoblèm sante, tankou pa ka fè pitit, iminite, ak pwoblèm newolojik. Men yo dekouvri ranplasman òdinè pou BPA yo (tankou BPS ak BPF) kapab gen konsekans menm jan oubyen pi mal. Pou evite pwoblèm sa a, achte pwodwi ki pa an plastik.

Evite pwodwi ki konpoze avèk fliyorin (PFAS). Banbou, papye san kouch kouvèti, PLA klè (asid polilaktik), papye ki kouvri avèk ajil oubyen PLA, ak fèy palmye pase tès tout tan ki montre yo san "low-fluorine" oubyen yo pa genyen li anpil. Pou plis konsèy, gade nan [Safer Foodware Guide](#) Sant pou Sante nan Anviwonman (Center for Environmental Health) la.

Èske ou pa fin sèten si atik konpostab yo bay ranman vre?

Pifò konpayi yo bay echantiyon! Inovasyon kontinyèl nan anbalaj pou manje yo garanti konpostab yo kenbe menm jan avèk pwodwi konvansyonèl yo. Gade enstriksyon pou estokaj yo byen. Gen pwodwi ki kapab pa bay bon ranman si yo estoke nan kote ki twò cho oubyen ki gen twòp imidite. Men sonje sa, pa vann pwodwi konpostab sòf si gen konpayi ki ranmase yo nan kominote w.



Jwenn nouvo founisè



Kòm plan ou an plas kounye a, korije règleman ofisyèl pou achte w yo.

Pa jennen pou sèvi avèk langaj nou rekòmande pi ba la a. Règleman pou Pwodwi Dispozab ou yo dwe genyen ladan kèk direktiv ak objektif espesifik pou redwi dechè, tankou plan rediksyon plastik ou a. Veye pou lòt règleman (tankou pwosedi pou kontra, dokiman lavant, ak espesifikasyon pwodwi) pa an konfli avèk yo. Retire sa ki ka fè obstak, oubyen ajoute presizyon ki ka nesèsè pou fè règleman ou yo pa gen kontradiksyon.

Règleman ou yo se yon referans pratik pou ou, ak pou anplwaye ou yo. Reli yo epi modifiye yo si sa nesèsè, pou yon pi bon enpak, ak pou fè pwosedi yo aplikab tout bon vre. Apre yon tan, biznis ou ka vin bezwen chanjman, kapab genyen nouvo sikonstans ki parèt, epi pral genyen nouvo pwodwi dirab k ap sou mache a.

Telechaje echantiyon règleman yo

bit.ly/Telechaje-echantiyon-règleman-yo

[Non Biznis la]

Règleman sou Pwodwi Jetab

Deklarasyon sou Règleman [Non Biznis la] ap fè tout sa li kapab pou anpeche gaspiyaj, nan metòd efikas l ap sèvi avèk resous natirèl. Men kouman nou rive fè sa:

1. Eliminen oswa redwi kantite plastik dispozab nou sèvi, chak fwa sa posib;
2. Chèche sèvi avèk pwodwi ki gen mwens danje pou anviwonman an, epi
3. Chwazi pwodwi ki konsève resous natirèl yo.

Pwosedi [Pwopriyete/ Mànadjè/Responsab Acha] a dwe veye pou entansyon règleman sa yo respekte. [Pwopriyete/ Mànadjè/Responsab Acha] a dwe senkwonnize efò anplwaye yo ap fè pou eliminen plastik jetab, ak redwi kantite yo sèvi, ak chèche sèvi avèk materyèl ki gen mwens danje. Nouvo materyèl yo dwe evalye dapre pri ak depans yo mande, ansanm avèk konsekans yo sou anviwonman an, pou gade kilès ladan yo ki ofri pi bon valè.*

Pwotokòl Tout anplwaye [Non Biznis la] dwe veye pou aktivite chak jou yo, ak acha ki fèt yo koresponn avèk sa règleman sa yo mande nan pwotokòl yo:

1. Evite achte atik ki pa nesèsè
2. Bay kliyan yo pwodwi ki retilizab, pase pwodwi ki jetab, chak fwa sa posib
3. Men kouman nou redwi kantite atik jetab nou sèvi:
 - a) [Montre prensip ou genyen yo isit la, pou redwi kantite plastik ou sèvi (tankou Sèvi chalimo sèlman lè yon kliyan mande; poze li kesyon pou konnen si li vle istansil, elatriye...)]
4. Chèche altènativ pou ranplase plastik. Analize opsyon ki pi bon pou anviwonman, avèk pou pi bon rezilta finansye ak pratik.
5. Veye pou pwodwi dispozab yo (kèlkeswa si yo resiklab oswa konpostab) konpatib avèk enfrastrikti lokal pou dechè yo. Si ou pa sèten, kontakte gouvènman lokal la, oswa konpayi ki ranmase fara, oswa konpayi resiklaj/konpostaj.

Lòt Kritè pou Anviwonman ki Preferab Lè w ap konsidere sèvi avèk pwodwi nouvo/altènativ, gade tout karakteristik pi ba la yo pou wè pi bon pwoteksyon pou anviwonman ak pou kontwòl depans:

- Li gen matyè resikle ladan. Mete priyorite sou pwodwi ki gen pi gwo pousantaj matyè ki resikle apre yo sèvi.
- Li fèt avèk matyè ki natirèl, resiklab, oswa sètifye tankou konpostab. Se yon pwodwi an papye ki pa vlope avèk plastik.
- Li konsève enèji, dlo, ak redwi emisyon gaz ki mete polisyon nan atmosfè a.
- Li fèt san klorin.
- [Montre lòt konsiderasyon yo isit la]**

*[Foodware Cost Calculator](#) (Kalkilatè Depans pou Sèvis Manje) PSI la fè li fasil pou evalye depans yo.

**Pou wè sijeson, gade "Additional Considerations" (Konsiderasyon Sipleman) nan paj 9.

Etap 3 - Jwenn yon Founisè pou Nouvo Pwodwi yo

Jwenn yon Founisè pou Pwodwi ki San Plastik yo

Pou kòmanse, mande founisè ou genyen kounye a kisa li vann. Si li pa genyen sa ou bezwen an, gade anliy oswa mande lòt pwopriyetè restoran, nan zòn kote ou ye a, avèk ki founisè lokal yo sèvi. Si founisè ou gen kounye a pa vann atik sa yo, mande li pou li genyen yo. Si sa li ofri yo twò chè, mande kòlèg ou nan menm biznis la si yo ta vle achte ansanm avèk ou an gwo, pou nou tout kapab jwenn pi bon pri.

Mache pou pwodwi dirab la kapab limite nan zòn kote ou ye a, kidonk li kapab difisil pou ou jwenn sa w ap chèche. Men opsyon yo ap vin pi plis nan tout peyi a, paske gen plis restoran ki vle sèvi avèk pwodwi dirab. Si ou pa kapab jwenn yon opsyon lokal, chèche yon founisè nasyonnal oswa yon vandè anliy. Anpil fwa, ou ka achte pwodwi dirab yo dirèk nan men fabrikan an.

Si ou pito achte tout founiti ou nan men yon sèl vandè, pifò nan gwo konpayi founisè kounye a genyen omwen yon ti seleksyon san plastik pou anpil pwodwi.



Etap 3 – Adapte Lokal ou yo

Lokal ou ak anplwaye ou yo jwe yon wòl tou nan kantite plastik ki pral rive nan anviwonman an. Men kèk mwayen pi ba la a, ki ka fè li fasil pou anplwaye ak kliyan ou yo fè sa ki bon nan jete dechè, yon fwa rediksyon plastik vin yon règleman ou swiv. Mete poubèl anndan ak deyò, si sa posib. Menm si nan restoran ou, pa gen anpil dechè ki fèt anndan lokal la, mete poubèl toupre pòt devan an pou kliyan k ap pote bagay ki soti deyò.

Lokal yo

Travay antretyen	Fè antretyen epi kenbe lokal la bèl - yon kote ki pwòp ak bèl ankouraje responsablite pèsonnèl moun, paske li fè yo jete mwens fatra. Fatra rale fatra.
Fatra	Yon poubèl ki gen etikèt klè sou li ap montre pòtre atik ki pa kapab resikle oubyen konposte nan restoran ou, epi l ap di atik sa yo pral nan dechaj fatra.
Resiklaj	Si ou pa fè resiklaj kounye a, nou konseye w anpil pou ou kòmanse. Resiklaj kapab fè ou ekonomize lajan nan fè ranmase fatra. Mande konpayi ki ranmase fatra a, oswa ekip antretyen nan bilding ou, si yo kapab pran materyèl resiklab, ak ki pwodwi yo aksepte. Yon poubèl ki gen etikèt klè sou li ap montre pòtre anbalaj resiklab ou sèvi nan biznis ou.
Konpostaj	Si gen konpostaj ki fèt nan zòn kote ou ye a, mete yon poubèl pou konpostaj. Yon poubèl ki gen etikèt klè sou li ap montre pòtre dechè manje, ak tout anbalaj pou konpostaj ou sèvi nan biznis ou. Gade byen ki limit ki genyen pou anbalaj nan pwogram konpostaj ou.
Estasyon Idratasyon	Enstale yon fontenn dlo oswa yon evye ki kapab resevwa fasil boutèy pou moun replen.
Mesaj	Siy yo kapab sou yon anbalaj, oswa sou yon distribitè pwodwi, oswa toupre yon poubèl fatra. Sèvitè yo kapab di kliyan yo tou, kouman pou yo jete dechè apre yo fin manje.

Fòmasyon Anplwaye

Pwòpte	Veye pou yo toujou kenbe lakou ak bilding yo pwòp, ak jete fatra.
Rapò avèk Kliyan	Fòme anplwaye ou yo pou jete dechè atik ki fin sèvi yo nan kote pou jete yo. Si anplwaye pa konnen nan ki poubèl pou jete yon bagay, yo pa pral kapab reponn kesyon kliyan yo poze sou sa.
Edikasyon	Anplwaye yo dwe konprann sa pa bon pou repitasyon biznis ou, lè gen fatra k ap trennen.
Bay Bon Egzanp	Lè anplwaye ou yo jete fatra nan kote pou jete li, sa montre kliyan yo kisa pou yo fè tou.
Tande Konsèy Anplwaye yo	Anplwaye yo an kontak tout tan avèk kliyan yo. Se yo ki nan pi bon pozisyon pou rekonnèt nouvo opòtinite pou redwi dechè, ak kenbe kote a san fatra.

Etap 4: Ede kiyan ou yo konprann



Etap 4

Ede kliyan ou yo konprann

Fòmè Kliyan yo, pou Efò ou Bay Rannman

Kliyan yo renmen sa anpil, lè w ap sipòte yon bon kòz. Kounye a, gen plis moun pase tout tan k ap chèche ak mande pratik ki dirab. Fè kliyan ou yo konnen, lè yo sipòte biznis ou, se pa sèlman bon manje yo jwenn, men se sipò yo bay tou pou yon anviwonman ki pwòp ak bon pou sante yo!

Anplwaye ou yo ka esplike kliyan yo chanjman an pandan y ap sèvi yo. Mete yon mesaj nan menni a, sou kontwa, sou tab, sou miray, sou fennèt, sou sit entènèt, oswa sou medya sosyal pou esplike chanjman yo. Mande kliyan ki antouzyas yo pou pataje mesaj ou sou medya sosyal yo, ak gaye pawòl sou polisyon plastik la nan pami zanmi, ak fanmi, ak medya lokal yo.



Elèv klas 5yèm nan Greenport, NY, desinen etikèt sa a pou fennèt restoran ki redwi kantite plastik yo sèvi avèk PSI



Lucharitos (yon restoran tako avèk ba nan Greenport, NY) anonse nouvo règleman sou chalimo li sou medya sosyal. Gade nan paj 18 pou wè istwa li.

Menm si kliyan ou yo abitye avèk pwodwi dispoza, pifò ladan yo ap konprann oubyen menm bat bravo pou desizyon w lan, depi ou esplike yo li. (Epitou, ki moun ki pa genyen pake kondiman ki pa sèvi, ak ajantri plastik ki plen yon tiwa lakay yo?) Rès kliyan yo pral apresye ou ofri yo opsyon pou resevwa atik dispoza, si yo mande.

Koute byen komantè ak demann kliyan yo fè anliy oubyen lè yo vini nan restoran an. Lè sa posib, swiv konsèy yo bay epi fè yo konnen sa.

Pou ankouraje anpil repons, ak pou fè kliyan yo konnen w ap koute yo, gade si ou ka sikile yon ti kesyonè sou medya sosyal oswa sou sit entènèt ou, oubyen lonje yon kesyonè sondaj sou papye ak yon kreyon ba yo pandan y ap peye. Ou ka kenbe li ànonim, oubyen fè repons sondaj la mache avèk yon pwomosyon (tankou chans pou genyen yon manje gratis, ak pou tout moun ki antre resevwa yon kupon, elatriye...).

Afich sou Edikasyon Kliyan



Siy Anndan Restoran an

Lè ou afiche siy annan restoran ou, se yon bon mwayen pou fè kliyan ou yo konnen ki chanjman ou fè. Nan travay li avèk restoran nan Buffalo, NY, PSI konpoze yon egzanp materyèl edikasyon pou kliyan ou kapab sèvi pou enspirasyon, oubyen adapte pou pwòp restoran ou. Pi ba la a, gen egzanp kat postal ak ekrito pou tab, ou ka poste nenpòt kote nan restoran ou pou fè kliyan yo konnen kisa w ap fè, ak pou ankouraje yo redwi ak reutilize.

Gade Egzanp Siy

bit.ly/CustomerEdSigns



Egzanp kat postal sa a ta kapab afiche sou kote yon distribitè chalimo. Gen etid ki montre siy tankou sa a kapab ede redwi kantite chalimo ak istansil jiska 50%!



JOEY IS MAKING CHANGES!

*You may have noticed a change in our tableware
– we’ve made our silverware and cups reusable!*

“Marine Debris” is not just a problem in the oceans – trash is found in the Great Lakes, too. In fact, an estimated 22 million pounds of plastic enter the Great Lakes every year. Some of the most common items are from food service – things like forks, straws and containers. These plastics break down and contaminate our drinking water!

We’re doing our part to keep Lake Erie clean by reducing our plastic footprint – thank you for your support!



JOEY RESTAURANTS

Egzanp ekrito sou tab pou ede avèti kliyan k ap chita manje sou chanjman ki fèt nan restoran an

Etap 4 – Afich sou Edikasyon Kliyan

Veye pou tout siy ou afiche nan restoran an koresponn avèk non biznis ou a. Telechaje nenpòt nan egzanp sa yo pou kat postal, ekrito sou tab, oswa afich pou enspirasyon.

Yon fwa kliyan ou yo aprann desizyon ou pou redwi anprent plastik ou, yo ka ede w fè pawòl la sikile. Ankouraje yo fè lòt moun konnen pwogrè ou avèk yon ahtag sou medya sosyal - sa kapab ede w tou mennen nouvo kliyan ki gen konsyans ekolojik vini nan restoran ou.

Gade lòt egzanp ankò

bit.ly/CustomerEdTableTents



Rezilta Restoran Jwenn Tout Bon ↓

Rezilta Restoran Jwenn Tout Bon

Nou ànalize etap sa yo nan kat biznis nan Greenport, NY.
Men kisa yo reyalize.

Lucharitos

Yon tradiksyon apwoksimatif "Lucharito" se "ti konbatan". Restoran tako modèn pou pran plezi ansanm ak ba sa a sèvi manje ki bon anpil, avèk yon minimòm plastik:

- Mande kliyan yo si yo bezwen akseswa pou manje pou pote ale
- Kòmanse sèvi avèk sache papye pou pote manje ale, resipyan papye konpostab pou pote ale, ak ajantri konpostab san vlope pou pote ale, ki gen sètifikasyon BPI.
- Sispann sèvi avèk pake ajantri vlope, pou kòmanse sèvi avèk ajantri ki pa vlope
- Sispann bay chalimo avèk gode dlo, epi kite chalimo an plastik pou bay chalimo an papye lè kliyan yo mande
- Sispann lavant boutèy an plastik



Anvan

Epi yo pa pral rete kanpe la! Lucharitos gen entansyon enstale yon estasyon dlo filtre pou kliyan yo replen boutèy dlo reutilizab yo. Lucharitos pral vann tou boutèy dlo reutilizab ki gen non restoran an.

Aprè

Pa kite pèsonn fè ou kwè rediksyon plastik pa pral bon pou biznis ou. Nan mitan pwojè nou an, Lucharitos ouvri yon dezyèm lokal, ki sèvi sitou manje pou pote ale - epi li kòmanse aplike estrateji rediksyon plastik li yo touswit.

\$3,223 nan ekonnomi sou depans chak ane

\$99 ekonnomi an plis avèk rediksyon depans chak ane pou fè ranmase dechè

632,080 atik an plastik ki eliminen chak ane

2,203 liv dechè plastik ki eliminen chak ane

Ranfòse efikasite nan sèvis + fè anplwaaye yo fè ekonnomi tan

Mwens chalimo an plastik = tiyo sispann bouche

"Nou tout patisipe nan enfliyans sou anviwonman an. Mwen sèvi avèk sa a nan medya sosyal kòm yon avantaj konpetitif.

*Si ou gen yon biznis restoran, san ou pa fè atansyon kisa k ap rive pwodwi ou yo – ni manje a, ni anbalaj li vini ladan an - **ou pral rete dèyè kamyonèt la.** Se enterè tout biznis pou yo fè chanjman sa yo, menm si sèl rezon yo rekonnèt se pou rete alamòd avèk sa ki fè chanjman yo.*

Pi bonnè nou tout mete pye nou nan dlo pou tounen vèt avèk anbalaj yo, se pi bonnè pri pwodwi vèt yo pral desann, epi fè li pi fasil pou nou tout antre nan jwèt la."

– Marc Lamaina, pwopriyetè



Rezilta Restoran Jwenn Tout Bon

Bruce & Son

Bruce & Son se yon kote pwogresis k ap monte, pou sèvi moun manje midi. Menni lokal li yo elegant, epi li pa sèvi avèk plastik:

- Mande kliyan k ap pote manje ale yo si yo bezwen sache ak ajantri dispozab.
- Pou kliyan k ap pote manje ale, li sèvi avèk ajantri bwa boulo ki gen sètifikasyon Forest Stewardship Council, ak gode kondiman an bagas (ma kann) ki gen kouvèti resiklab plastik PET, ak sache an papye ki gen non kote a.
- Kòmanse sèvi avèk chalimo an papye, pou kliyan an pran li menm.
- Gwosè gode senplifye - sèvi sèlman avèk yon sèl gwosè gode pou likid cho oubyen frèt.

Avèk sèlman kouvèti gode resiklab pou kondiman PET yo kòm eksepsyon, tout nouvo pwodwi Bruce & Son pou pote ale yo fèt avèk materyèl biodegradab natirèl ki pa gen okenn kouch sentetik ki kouvri anndan yo!

Papye ki kouvri avèk kouch plastik, se pi bon solisyon yo genyen toujou pou gode cho. Yo te vle chanje pou yo sèvi avèk gode pou likid frèt ki kouvri avèk lasi, men mache pou sèvis manje kounye a pa genyen yon bèl modèl ki ale byen avèk mak biznis yo. Menm si genyen kouvèti pou gode likid cho nan lòt peyi, se sèlman kouvèti an plastik yo te rive jwenn nan Greenport, NY.

Pase pou yo sèvi avèk gode likid frèt ki kouvri avèk plastik, epi ki pa resiklab, yo kontinye sèvi avèk gode an plastik resiklab, omwens jouktan mache anbalaj nan Etazini an kapab genyen menm gode avèk lòt peyi.

39,000 atik an plastik ki eliminen chak ane

1,145 liv dechè plastik ki eliminen chak ane

Ranfòse efikasite nan sèvis

Pa bezwen kòmande atik dispozab yo souvan ankò

Avantaj konkiransyèl nan pami restoran yo

Sèlman 50% nan kliyan yo pran chalimo

"Nou pa ta kapab genyen yon biznis san touris yo. Nou gen responsablite pou kenbe dlo a pwòp. Plastik bon mache, men se pa sa ki fè li se pi bon opsyon ki genyen.

Si ou bezwen lòt rezon ankò, lè ou eliminen plastik ou pral nan pami pi bon yo. Se pa anpil kote w ap wè chalimo an papye oubyen istansil an bwa. Menm anplwaye nou yo kontan anpil lè nou anonse chanjman yo.

W ap toujou fè ekonnomi lè ou chanje, pou kòmanse sèvi avèk atik reutilizab. Depans pou lave vesèl yo neglijab. Epi si ou kwè gen pwoblèm avèk depans pou papye, fè kalkil la. Diferans pri a pa gwo anpil, espesyalman lè ou sonje ou pral sèvi avèk mwens, pou kòmanse. Lè ou ofri plastik, moun sèlman aksepte li. Ou sèvi avèk plis, epi ou oblije achte li pi souvan. Men yo reflechi de fwa, lè ou ofri pi bon pwodwi."

– Kassata ak Scott Bollman, pwopriyetè



Rezilta Restoran Jwenn Tout Bon



Tikal. 1

Bèl restoran pou fanmi sa a sèvi manje tradisyonnèl Amerik Santral ki fè dlo vini nan bouch ou. Pwopriyetè a pentire miray yo ak bèl koulè. Men kisa yo fè pou redwi plastik:

- Mande anvan yo bay kliyan an ajantri, chalimo, ak sèvyèt papye pou pote ale.
- Ranplase kouvèti tab an plastik dispozab yo avèk nap Gwatemalyen ki koud alamen. Lave nap yo, se yon pati nòmal nan travay anplwaye yo. Pa gen okenn lòt mendèv ki nesèsè.
- Retire pakèt kondiman yo sou tab yo, pare yon zòn pou kliyan sèvi tèt yo
- Kite resipyan an mous polistirèn (ki rele tou "estiwofòm"), pou sèvi avèk resipyan an aliminyòm oswa an papye
- Kite gode an polistirèn yo, pou sèvi avèk gode an papye
- Kite sache an plastik pou pote manje ale yo, pou sèvi avèk sache an papye



Rale nouvo kliyan!

\$3,578 nan ekonnomi sou depans chak ane

\$90 ekonnomi an plis avèk rediksyon depans chak ane pou fè ranmase dechè

52,008 atik an plastik ki eliminen chak ane

2,003 liv dechè plastik ki eliminen chak ane

50-60% nan kliyan yo refize chalimo + ajantri

Anbyans amelyore, ak plis plezi pou kliyan ak anplwaye yo

Pa bezwen kòmande atik dispozab yo souvan ankò

"Nou te konn bay atik an plastik yo sèlman, san nou pa sonje dega yo konn lakòz nan lanmè. Depi nou vin aprann konsekans yo, nou te oblije fè sa ki kòrèk la. Pou chanje ak kòmanse sèvi avèk nouvo pwodwi, sa mande yon investisman inisyal, men sa vo depans lan. Nou vin genyen plis kliyan ki vini vre, paske yo te tande efò nou t ap fè yo.

Si ou pa fin sèten si ou vle redwi atik an plastik yo, eseye bay sa yon chans. Lè nou sèlman mete chalimo, ajantri, ak sèvyèt an papye yo deyè kontwa a, sa pèmèt nou koupe mwatye nan kòmman nou yo, epi nou pa gen pou nou ranplase atik yo souvan menm jan an."

– Helen Gonzales, mánadjè

Rezilta Restoran Jwenn Tout

Little Creek Oysters

Optimis, alèz, epi yon ti jan kontan tèt li (sonje slogan li se "Shuck Yourself" [Montre Valè w]), Little Creek Oysters sèvi pwodwi lanmè ki fre, avèk yon minimòm plastik:

- Li pa sèvi avèk plastik ankò pou sèvis anndan ak deyò
- Li kenbe yon ti envantè plastik pou ka ijans sèlman
- Li ogmante kantite vè diven itilizab, vè yon pent, ak gwo tas li kenbe
- Li sèvi chalimo an plastik sèlman lè yon kliyan mande
- Li ranplase fouchèt an plastik avèk pik an bwa, epi ti kiyè an plastik avèk sa ki an metal
- Li ranplase sache pou zwit avèk bwat pou zwit reitilizab

Pi gwo pwoblèm li, se te jwenn plas pou atik reitilizab li yo. Apre li chèche kote pou estokaj ki pre, li rekonfigire espas li. Pwodwi ou ka mete chita youn nan lòt yo fasil, men gwo tas yo pi difisil.

Pifò pwodwi reitilizab Little Creek Oysters yo gen siy biznis la ki ekri bèl sou yo (gade nan paj 9). Pafwa moun konn pran yon kiyè oswa yon ti vè, espesyalman pou ale chita deyò pandan yon wikenn fèt ki long. Ian kwè se yon bagay ki mete yo an valè, men Rosalie kwè se yon bagay ki anbetan. Toude dakò sa pa gen konsekans finansye enpòtan, epi yo gade sa tankou yon avantaj piblisite. Yo rekonnèt envantè ou ka fini pi vit pase sa ou te prevwa, lè se yon jou anpil aktivite epi moun ap vòlè bagay, men kliyan yo merite ou fè yo pase yon bon moman nan restoran an, epi ou sispann sèvi plastik deyò. Yo kontinye kenbe yon ti kantite an plis nan jou ki konn debòde yo, tankou 4 jiyè, paske li difisil pou kenbe kadans lan, lè ou gen pou lave tout bagay.

Kòm biznis yo se an menm tan yon elvaj zwit, yon restoran, ak yon lavant an detay, pwopriyete yo pouse efò yo pi lwen, paske yo redwi atik dispozab yo nan tout aktivite yo fè. Yo ranplase sak pou zwit ki an filè plastik, ki kapab pèdi fasil nan lanmè pandan yon rekòl, avèk bwat dirab ki reitilizab, ki ka kanpe youn sou lòt, ki pa gen anpil chans pou yo pèdi, epi ki gen logo enprime pou fè moun rekonnèt biznis la. Epitou, bwat yo resiklab, sa ki pa vre pou sak yo.



Anvan



Apre

\$5,507 nan ekonnomi sou depans chak ane
\$113 ekonnomi an plis avèk rediksyon depans chak ane pou fè ranmase dechè

233,400 atik an plastik ki eliminen chak ane

2,509 liv dechè plastik ki eliminen chak ane

Redwi plastik depi nan pwodiksyon pou rive nan lavant detay

Fè li pi enteresan pou manje

Avantaj konkiransyèl nan pami restoran yo

Sèlman 1 kliyan sou 10 mande pou chalimo

Pa bezwen kòmande atik dispozab yo souvan ankò



"Si ou vle konnen ki plastik pou ou vize, gade atè a. Se yon teren aterisaj, epi tout prale nan dlo.

Nenpòt biznis ka fè eksperyans lan. Gade sa ki pi bon pou ou. Kòmanse avèk ti chanjman. Chak biznis gen pwòp jan li travay, men avèk yo ti refleksyon, ou ka fè yon gwo diferans non sèlman pou pwòp imaj ou ak pou rezilta ou yo, men pou tout moun sou latè."

– Rosalie Rung, pwopriyete

"Nou di kliyan nou yo pou kisa nou sèvi plastik sèlman lè yo mande. Se yon opòtinite pou ede yo konprann.

Avèk pwodwi reitilizab yo, nou pa bezwen enkyete nou pou kenbe yon envantè pwodwi dispozab. Lè tout bagay fini, eksperyans manje nan restoran an pi bon anpil."

– Ian Wile, pwopriyete

Etap 5: Reyalize Dènye Efò a



Etap 5: Dènye Efò a Atake plastik nan kominote ou

Estrateji Volontè

Gen plizyè jan pou fè pwopriyetè biznis parèy ou, ak rezidan nan kominote ou konnen kisa plastik ka fè.

Lè yo konprann pwoblèm lan, anpil moun pral kòmanse sèvi avèk pwodwi reutilizab, ak sipòte efò pou redwi plastik. Men kèk konsèy ki kapab ede w.

Ou ka pataje enfòmasyon, grafik, video, ak lòt dokiman ki soti nan gwoup anviwonmantal tankou [Plastic Pollution Coalition](#), [5 Gyres](#), [Lonely Whale](#), [Clean Seas](#), [Clean Water Action](#), [One Green Planet](#), ak [Surfrider](#).



Sa w ap vann lan kapab edikasyonèl tou!

Edikasyon pou Biznis

Pale avèk pwopriyetè biznis parèy ou, sou avantaj ou jwenn nan rediksyon plastik, epi ba yo Gid sa a.

Achte gran kantite pwodwi ki bon pou anviwonman, an asosyasyon avèk lòt biznis pou pwofite pri ki ba.

Mande Chanm Komès ou (Chamber of Commerce), oswa Distrik pou Amelyorasyon Biznis ou (Business Improvement District), oswa lòt gwoup nan biznis pou yo esplike mamn yo metòd travay san plastik, ak ankouraje yo kòmanse sèvi avèk pwodwi ki ekolojik.

Kontakte gwoup anviwonmantal nan zòn kote ou ye a, oswa ofisyèl gouvènman lokal ou ki responsab pou dirabilite, resiklaj, oswa rediksyon dechè. Mande yo kreye yon sètifikasyon oswa yon sistèm klasman (tankou Lò, Ajan, Bwonz) pou rekonpanse biznis ki redwi plastik, ak pou ede kliyan yo rekonnèt opsyon ekolojik nan restoran.

Edikasyon Piblik la

Pa gen anyen ki pi fò pase eksperyans pèsonnèl. Òganize yon kòve pou netwaye fatra!

Pataje enfòmasyon sou polisyon plastik ak sou jan pou rete li, nan medya sosyal. Fè edikasyon kliyan ou yo sou efò pou redwi plastik, ak sou jan yo ka redwi oswa refize plastik chak jou.

Afiche yon dokimantè, tankou [A Plastic Ocean](#), [Plastic Paradise](#), [STRAWS](#), oswa [Divide in Concord](#).

Kontakte lekòl ak pwofesè yo. Ou menm oubyen yon gwoup pwopriyetè biznis lokal kapab aprann timoun yo pou kisa w ap redwi plastik nan restoran ou. Gwoup anviwonmantal nan kote ou ye a ap kontan anpil ba ou materyèl pou edikasyon, oswa vin ede w nan klas la.

Fè moun konnen ki kote yo ka resikle sache ak anbalaj an plastic. Ou ka sèvi avèk [existing tools and guidance from WRAP](#) (Pwogram Aksyon pou Resikle Anbalaj).

Règleman sou Estrateji



Etap 5 – Atake plastic non kominote ou

Estrateji Obligatwa

Lè gen règleman ekri nan ògànizasyon ou ak nan lejislasyon kominote ou, sa pi efikas pase yon estrateji volontè paske tout moun oblije patisipe.

Lejislasyon an fè kondisyon yo egal tou pou tout moun - kidonk biznis ki montre yo responsab yo pa janm an dezavantaj devan konkiran yo.

PSI wè lwa ki pi ba la yo, se yon bon egzanp ki montre kisa gouvènman Eta ak gouvènan lokal nan tout peyi a ap fè pou redwi dechè an plastik.

Pran kontak avèk chanm komès lokal ou, gwoup biznis yo, oswa ògànizasyon anviwonmantal yo pou pale sou potansyèl pou entwodwi ak sipòte lejislasyon ki pral sèvi objektif nou pi byen. Ankouraje moun ki pran desizyon nan nouvo minisipalite, konte, ak Eta a konsidere règleman sa yo.

Ou mèt kopye ak adapte langaj ki nan egzanp lan, pou bezwen patikilye nan jiridiksyon ou.



Take pictures of plastic litter in your area to demonstrate the problem.

Kòm egzanp opsyon lejislatif, kapab genyen:

- Mande pou akseswa pou sèvis manje yo resiklab
- Entèdiksyon polystyrène (ki gen ladan “Styrofoam”)
- Bay chalimo, bagèt pou brase likid, ak istansil sèlman lè yo mande yo
- Mande pou kliyan yo sèvi avèk akseswa reutilizab pou manje nan restoran an
- Fè peye pou sache pou pote ale yo
- Fè peye pou tas pou ale
- Eliminen dlo nan boutèy
- Aplike yon règleman ki bay "Dwa pou Replen

Gade egzanp lejislasyon an

bit.ly/PlasticPolicies



Chalimo a sèlman sanble li montre chimen pou rive konprann prevansyon dechè. Lè yon moun, oswa yon biznis, oswa yon gouvènman fè efò pou rive eliminen distribisyon chalimo ak istansil an plastik ki pa nesesè epi moun pa vle, li ouvri lespri nou pou fè nou konprann tout gaspiyaj nou t ap fè. Li ouvri pòt sou mande kisa n ap fè apre, ak ki lòt bagay nou ka fè?”

– **Sego Jackson, Seattle Public Utilities, WA**

Nouvo Coronavirus la, ak Deranjan nan Sèvis Manje nan Restoran

An 2020, epidemi nouvo coronavirus ki te lakòz COVID-19 la gaye nan peyi a, ak tout lòt kote sou latè. Restoran yo te frape di anpil, paske yo te oblije fèmen ak ranvwaye anplwaye, ak gwo ensètitud. Gen anpil restoran ki fè tranzisyon pou fè livrezon oubyen vann manje pou pote ale sèlman, epi se te premye fwa pou anpil ladan yo.

Anpil nan kòmman pou pote ale yo depann sou anbalaj ki sèvi yon sèl fwa, nòmalman an plastik. Avèk ogmantasyon rapid nan sèvis pou pote manje ale, ak livrezon manje kay moun pandan pandemi a, dechè an plastik ki soti nan sèvis sa yo ogmante tou. Nan kote kafe ak restoran yo te rete louvri, gen plizyè ki te kòmanse pran règleman pou defann kliyan yo pote pwòp gode ak resipyan ki soti lakay yo, pou pwoteje anplwaye yo.

Sekirite anplwaye yo dwe toujou yon premye priorite. Pandan vin gen plis enfòmasyon sou COVID-19 la, espè nan kesyon sante yo fè konnen se pa fasil pou viris la transmèt nan kontakte yon sifas.

Opsyon pou Rediksyon Dechè avèk yon Modèl pou Pote Manje Ale

Pou restoran ki vle redwi atik an plastik toutotan sa posib pandan pandemi a, gen lòt opsyon ki rete toujou!

- **Kite ajantri ak chalimo ki jetab yo** - ou pral pote manje bay kliyan an lakay li, kidonk li dwe genyen deja ajantri reutilizab pou li sèvi! Ekonomize lajan, epi anpeche gaspiyaj lè ou sèlman pa bay ajantri avèk manje pou pote ale oswa pou pote bay kliyan an lakay li, oubyen lè ou bay yo sèlman si kliyan an mande.
- **Kenbe pakèt ki gen kondiman yo** - la a ankò, kliyan an kapab deja genyen kondiman restoran konn bay yo, tankou sòs tomat, moutad, oubyen sòs soya lakay li nan gwo boutèy. Gade si ou ka bay sache kondiman yo oswa gode pou pote ale, sèlman lè kliyan an mande, pou fè ekonomi lajan ak pou anpeche gaspiyaj nan anbalaj ak nan manje.
- Pou kòmman manje pou pote ale, **lè ou kite kliyan an mete manje a nan pwòp sache reutilizab li**, sa pèmèt anplwaye yo fè ekonomi tan, epi sa redwi kontak avèk kliyan yo, ak anpeche gaspiye sache dispozab. Pou livrezon san kontak, ou ka pa bezwen sache, si ou ka fè mete manje a sèlman (nan resipyan) devan pòt kliyan an.



Lavni pou re-ifilizasyon apre COVID



Reitilizasyon san danje ak dirab, pou Pote Manje Ale

Akseswa pou livrezon manje, se yon abitud nòmal depi plizyè douzèn ane nan peyi tankou End, kote [dabbawalas](#) pote plizyè milye sèvis manje kwit nan kantin metalik chak jou bay moun k ap travay nan biwo. Pandan coronavirus t ap gaye nan Etazini, dechè manje pou pote ale ogmante, lè restoran yo te kòmanse fè livrezon ak vann manje pou pote ale. Anvan lontan, nou vin konprann nou pa genyen yon sistèm ase gran pou redwi dechè san danje nan sektè pou pote manje ale, ak livrezon an. Erèzman, an menm tan plis moun vin konprann kisa polisyon plastik ye, gen anpil konpayi ki kòmanse travay sou pwoblèm dechè nan manje moun achte pou pote ale a. Konpayi sa yo montre yo optimis menm pandan pandemi a, paske nan pwogram yo, akseswa reitilizab yo byen netwaye ak dezenfekte anvan anplwaye restoran oubyen kliyan yo sèvi avèk yo, sa ki vle di yo san okenn danje.

Modèl Reitilizasyon San Danje ak Dirab

Gen Konpayi U.S. ki fè patnè avèk restoran pou ede redwi dechè nan manje pou pote ale. Pandan pandemi a, genyen kèk nan konpayi sa yo ki te rive *ogmante* bizis pou restoran ki te oblije fè sèvis livrezon oswa pou pote ale. Kliyan yo kwè gen lòt sèvis konsa ki kapab byen netwaye ak dezenfekte akseswa pou sèvis manje, menm si opsyon BYO yo pa kapab sèvi.

Dispatch Goods (San Francisco, CA)

Dispatch Goods te kòmanse kòm yon sistèm reitilizab pou pote manje ale pou "anplwaye anba lavil jwenn manje midi"; kliyan yo te kapab pran kòmman pou pote ale yo nan restoran ki patisipe, nan yon resipyan reitilizab yo te pote tounen nan kèk pwen arebò twotwa nan tout vil la. Lè coronavirus rive nan Etazini, CEO Lindsey Hoell chanje metòd konpayi a, pou ofri resipyan reitilizab pou livrezon bay kòporasyon ki patnè.



Superfine Tiffins (New York City, NY)

Moun ki te fonde Superfine Tiffins an 2007 la, se Chef Harpreet Sohal, ki te soti nan End lè li vini Etazini, epi ki te vle pote tradisyon livre manje ki kwit lakay moun nan nouvo vil li rete a. Konpayi a ofri jiska yon semenn manje ki livre nan kantin reitilizab, pou kliyan an retounen, epi li kapab voye manje a nan travay oswa lakay kliyan an. Li kontinye voye manje bay moun toupatou nan Vil Nouyòk pandan pandemi a.

Vessel (Boulder, CO)

Vessel ofri gode reitilizab pou pote ale kafe, te, elatriye... nan kafe ki patisipe yo - pou pote yo tounen nan lokal ki patisipe yo. Gode ki gen mak biznis la genyen kaptè ki pèmèt "anrejistre" yo lè yo tounen. Vessel te oblije fèmen pandan pandemi a, paske kafe ki t ap patisipe yo te fèmen, men li montre li optimis lè li di konpayi a pral mache byen pi devan, lè kliyan yo vin gen plis konfyans nan modèl sanitasyon sèvis li a, plis pase konfyans nan yon sistèm pou yo pote pwòp gode yo.



Èske ou vle wè plis?

Gade bon jan konpayi sa yo tou, k ap ede restoran yo nan rediksyon dechè nan pote manje ale!

- [Green Tiffin](#)
- [Deliver Zero](#)
- [Just Salad](#)

Re-Ouvèti pou Manje Anndan? Konnen kisa ki pase

CDC bay direktiv pou restoran k ap ouvri ankò, apre lòd pou moun rete lakay yo a fini. Malerèzman, yo te prevwa pou sèvi avèk menni ak akseswa sèvis dispozab. Men sèlman, Eta kote ou ye a pral bay pwòp règleman ak direktiv li, ki kapab dakò oubyen pa dakò avèk sa CDC di yo! Espè nan kesyon sante yo di akseswa reitilizab pou sèvi manje anndan restoran yo bay menm nivo sekirite, si se pa plis (paske yo netwaye nan menm kote a chak fwa yo sèvi), kidonk sonje verifye règleman lokal ou yo, epi sèvi avèk akseswa reitilizab si ou kapab. Gade dokiman Surfrider a, ki se [Guide for Reopening Restaurants Safely with Reusables](#).

Resous siplemantè pou ede ou



Resous

Gid rediksyon PSI a montre etap pou ou pran, ak konnesans ou bezwen pou redwi plastk nan restoran ou. Sèvi avèk resous gratis pi ba la a, pou jwenn altènativ pou plastik, ak pou pote rediksyon plastik nan nivo pi wo a:

- Sèvi avèk [Foodware Cost Calculator](#) PSI a pou kalkile kantite lajan ak plastik ou pral ekonomize, si ou redwi kantite dispozab yo ak kòmanse sèvi avèk altènativ retilizab oswa konpostab.
- Ou ka jwenn [certified compostable](#) pwodwi yo nan Biodegradable Products Institute (BPI).
- Pou evite danje ki kache nan akseswa sèvis pou manje dispozab yo, gade nan [Safer Foodware Guide](#) Center for Environmental Health la.
- Chèche jwenn pwodwi an papye ak an bwa ki gen sètifikasyon dirabilite [Forest Stewardship Council](#).
- Kontakte pwojè [ReThink Disposable](#) nan Clean Water Action, ki se yon pwogram asistans teknik ki ede restoran yo redwi pwodwi dispozab. Ou ka jwenn [Reusable Food Serveware Guide](#), ki se yon grafik pou edikasyon, ak lòt resous itil anliy.
- Antre nan pwogram Surfrider la, [Ocean Friendly Restaurants](#) pou w gen yon sètifikasyon kòm “Ocean Friendly Restaurant” (Restoran ki Zanmi Lanmè), ak resevwa rekonesans nasyonnal ak lokal.
- Patisipe nan kanpay [Plastic Pollution Coalition](#) an, pou sikile mesaj sou polisyon plastik la, ak konnen ki lòt aksyon ou ka pran pou rete li.
- Andre nan [Lonely Whale’s #StopSucking campaign](#) pou ankouraje kliyan ou yo sispann sèvi avèk chalimo.
- Gade nan [Better Alternatives Now List 2.0](#) 5 Gyres la pou plis enfòmasyon sou pwodwi ki lakòz plis polisyon yo, ak sou pi bon altènativ.
- Pou plis konsèy sou dirabilite restoran, gade nan [Green Restaurant Association](#).





Mèsi.

